

Ժողովուրդ

171
(2837)

30 նոյեմբերի հինգշաբթի 2023
տպագրության ԺԲ տարի

Ք. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԳՆԴԱԿԸ ԻՐԱՎԱՊԱՐՆԵՐԻ ԳԱՇՏՈՒՄ Է



Իրավապահ համակարգում ներքին տարածայնություն է ձևավորվել ՔՊ-ական պատգամավոր Գագիկ Մելքոնյանի թոռան միջադեպով: Բանն այն է, որ իրավապահները մեկը մյուսի վրա են գցում ՔՊ-ական պատգամավոր Գագիկ Մելքոնյանի որդուն ժամանակին ձերբակալելու և իրավապահ մարմիններին ներկայացնելու հարցը: Մեզ հասած տեղեկությունների համաձայն՝ մինչ իրավապահները ներքին կռիվ են տալիս, թե ով կամ ովքեր ժամանակին ընթացք չեն տվել դեպքին ու կասկածյալին չեն բերել հարցաքննության, փաստ է մեկ բան, որ պատգամավորի թոռը մինչ օրս հարցաքննված չէ: ArmLur.am-ը գրել էր, որ ներքին պայմանավորվածություն կա՝ Նրան առաջիկայում կբերեն հարցաքննության: Երեւանի իրավատնտեսագիտության և կառավարման քոլեջում դասակահարություն է տեղի ունեցել պատգամավոր Գագիկ Մելքոնյանի թոռան մասնակցությամբ: Մելքոնյանի թոռը, ըստ այդ աղբյուրի, դասակահարել է Լույս համալսարանի մեկ այլ սանի: Ըստ «Ժողովուրդ» օրաթերթին հասած բացառիկ տեղեկությունների՝ միջադեպի ակնատեսներ կան, որոնք կցկտուր տեղեկություններ են հայտնել իրավապահներին, որ Գագիկ Կարենի Մելքոնյանն է վնասվածքը հասցրել այդ տղային: Իրավապահները արդյոք մինչև վերջ կգնան և կբացահայտեն գործը և պատասխանատվության կկանչեն ՔՊ-ական պատգամավորի թոռանը՝ ցույց կտա ժամանակը: Փաստ է մեկ բան. մինչ այժմ Գագիկ Մելքոնյանի թոռանը չեն գտել: ArmLur.am-ին հայտնի դարձավ, որ հարցաքննության ժամանակ տուժած ուսանողն իրավապահներին հայտնել է, թե ծառից է ընկել: Դեպքի վայր ժամանած ոստիկանները պարզել են, որ վնասվածքը պատճառել է ուսանող Գագիկ Կարենի Մելքոնյանը՝ պատգամավոր Գագիկ Մելքոնյանի թոռը: Քննչական կոմիտեից հայտնել էին, որ նշված ուսումնական հաստատությունում անչափահասին վնասվածք հասցնելու դեպքի վերաբերյալ ոստիկանությունից նոյեմբերի 27-ի երեկոյան ստացվել է հաղորդում: Այդ առթիվ երեկ նախաձեռնվել է քրեական վարույթ՝ 33 քրեական օրենսգրքի 171-րդ հոդվածի 2-րդ մասի 4-րդ կետի հատկանիշներով: Վնասվածք ստացած անչափահասը ճանաչվել է տուժող, նշանակվել է դատաբժշկական փորձաքննություն: Հանգամանքները պարզելու ուղղությամբ կատարվում է քննություն:

3 աջորդ շաբաթ ՔՊ-ական պատգամավորները կհավաքվեն՝ խմբակցության նիստի: ArmLur.am-ը գրել էր, որ հաջորդ շաբաթ Նիկոլ Փաշինյանը և նախարարները գնալու են ԱԺ՝ եկող տարվա բյուջեի նախագծի քննարկմանը մասնակցելու: «Ժողովուրդ» օրաթերթը տեղեկացավ, որ դեկտեմբերի 5-ին մեկնարկելիք ԱԺ նստաշրջանից առաջ՝ երկուշաբթի երեկոյան, ՔՊ-ականները հավաքվելու են, որպեսզի պատրաստվեն Նիկոլ Փաշինյանին դիմավորելու: Իշխանական պատգամավորները որոշելու են՝ որ նախագծին ինչպես են քվեարկելու, վարչապետին ինչ հարցեր են ուղղելու, և, որ ամենակարեւորն է, ինչպես են անցկացնելու բյուջեի նախագծի քննարկումը և քվեարկությունը, որպեսզի միջադեպեր չլինեն:



«Ժողովուրդ» օրաթերթի տեղեկությունների համաձայն՝ ՊԲ նախկին հրամանատար Զալալ Հարությունյանի գործով բոլոր կողմերը միջնորդություն են ներկայացրել դատարան, որ չեն ցանկանում դատական նիստերը կայանան Սյունիքի մարզի Սիսիանի նստավայրում: Գնդակը դատավոր Գարիկ Աբեյանի դաշտում է, և նա կորոշի քրեական գործով ներկայացված միջնորդությունը բավարարել և գործը ուղարկել Երեւան, թե այն թողնել Սիսիանում: Նշենք, որ ՊԲ նախկին հրամանատար Զալալ Հարությունյանի մեղադրանքի գործը դատարանում է, և նրան մեղադրանք է առաջադրվել այն բանի համար, որ նա, զբաղեցնելով Պաշտպանության բանակի հրամանատարի պաշտոնը, կոչումով գեներալ-լեյտենանտ, հանդիսանալով պաշտոնատար անձ՝ հանրային ծառայող, կոչման և պաշտոնի բերումով հանդիսանալով հրամանատար՝ ծառայողական դիրքով և զինվորական կոչումով, տվյալ իրավահարաբերության շրջանակում ունենալով իր լիազորություններից բխող հրամաններ և կարգադրություններ տալու ու դրանց կատարումն ապահովելու իրավասություն, հայտարարված ռազմական դրության ժամանակ՝ 2020թ. հոկտեմբերի 12-ին, ծառայության նկատմամբ դրսևորել է անփույթ վերաբերմունք, իր ծառայողական պարտականությունների կատարման նկատմամբ անբարեխիղճ և անփույթ վերաբերմունքի հետեւանքով դրանք կատարել է ոչ պատշաճ, ինչն անզուգույթյամբ առաջացրել է ծանր հետեւանքներ:



Արցախի ՊԲ նախկին հրամանատար Սամվել Բաբայանը երեկ հրավիրվել էր 44-օրյա պատերազմի քննիչ հանձնաժողով: Հիշեցնենք, որ Լույս Քննիչ հանձնաժողովի ձեւավորման սկզբնական փուլում Սամվել Բաբայանը՝ որպես արտախորհրդարանական ուժի ղեկավար, մասնակցում էր հանձնաժողովի աշխատանքներին: Նա հետո հայտարարեց, թե խաղի կանոնները չեն պահպանվում հանձնաժողովում, ու ինքն այլեւս չի մասնակցելու դրա աշխատանքներին: «Եթե կան խաղի կանոններ, եթե խաղի կանոնները չեք պահում, չի ստացվում: Եթե ինչ-որ մեկին անուն ունեն խայտառակելու, ես չունեմ», - ասել էր նա: Այսօր արդեն փաստացի իրավիճակ է փոխվել, ու Սամվել Բաբայանը հրավիրյալի կարգավիճակով գալիս է հանձնաժողով: «Ժողովուրդ» օրաթերթը հետաքրքրվել է Սամվել Բաբայանից՝ ինչ է արդյոք փոխվել հիմա, որ համաձայնել է Լորից գալ հանձնաժողով, արդյոք հիմա խաղի կանոնները պահպանվում են: «Փոխվել է այն՝ ընդդիմությունն ասել է՝ Սամվել Բաբայանը հանձնաժողովում չպետք է լինի որպես անդամ, այլ պետք է պատասխան տա իր արածների համար: Ինձ հրավիրել են, ես էլ եկել եմ: Ես հանձնաժողովի անդամ չեմ, պատասխանատու չեմ, չգիտեմ պահպանվում է, թե ոչ», - ասաց Բաբայանը:



ՔԱՂԱՔԱԿԱՆ

ԶՐՈՒՅՑ

ՄԱՄՎԵԼ ԲԱԲԱՅԱՆՆ ՈՒ ՔՆՆԻՉ ՀԱՆՁՆԱԺՈՂՈՎԸ

Արցախի ՊԲ նախկին հրամանատար Մամվել Բաբայանը երեկ եկել էր 44-օրյա դաժնեգործի քննիչ հանձնաժողովի դասասխաններու ԲԳ-ական դասգամավորների հարցերին: ՊԻՆ է արդյոք Մամվել Բաբայանը քննիչ հանձնաժողովի աշխատանքի, ի՞նչ կարելու բացահայտումներ է հանձնաժողովն արել: Այս հարցերի շուրջ զրուցել ենք Արցախի ՊԲ նախկին հրամանատար Մամվել Բաբայանի հետ:



-Դուք հանձնաժողովի ձեւավորվելուց հետո որպես արտախորհրդարանական ուժ եք մասնակցում ընտրություններին, հետո ասացիք, որ խաղի կանոնները չեն պահպանվում, եւ դուրս եկաք հանձնաժողովից: Հիմա ի՞նչ է փոխվել:

-Հիմա այն է փոխվել, որ ընդդիմությունը ասել է, որ պարոն Բաբայանը չպետք է լինի հանձնաժողովում որպես անդամ, այլ պետք է պատասխան տա արածների համար. հրավիրել են, եկել են պատասխանելու:

-Այսինքն՝ խաղի կանոնները պահպանվում են: Արդեն ավարտվում է աշխատանքը դեկտեմբերին, բայց այդպես էլ որեւէ բացահայտում չկա:

-Ես այստեղ պատասխանատու չեմ, դեկավար չեմ այդ հանձնաժողովի: Պահպանում է, թե չի պահպանում, տեղյակ չեմ:

-Գո՞հ եք աշխատանքից:

-Ինձ ուղղված հարցերից գոհ եմ:

-Իսկ, պարոն Բաբայան, ինչ եկել էք Հայաստան, հանդիպել էք Նիկոլ Փաշինյանին:

-Ո՛չ, չեմ հանդիպել: -Ձեզ հաճախ տեսնում են իշխանական պատգամավորների հետ:

-Այո՛, կարող եմ պատգամավորների հետ հանդիպել:

-Առաջարկ չի՞ եղել հանդիպելու, հարցեր քննարկելու:

-Ո՛չ, նման բան չի եղել:

Հավելենք նաեւ, որ դեկտեմբերի 3-ին արդեն Անդրանիկ Քոչարյանի գլխավորած 44-օրյա պատերազմի ԱԺ քննիչ հանձնաժողովն ավարտում է իր աշխատանքը, ուստի Մամվել Բաբայանը վերջին հրավիրյալն էր:

Հրուցեց ՔՐԻՍՏԻՆԱ ՍՈՒՇԵՂՅԱՆԸ

ՊԱՐՏՔ Է ՊԵՏՈՒԹՅԱՆԸ

Դեռ այս տարվա օգոստոսին հայտնի էր դարձել, որ Ծաղկաձորում գտնվող «Գոլդեն Ֆելիս» հյուրանոցի սեփականատերը չի կատարել պետության առաջ ստանձնած պարտավորությունը: 2018 թ.-ից հետո հայտնի դարձած գործարարի՝ Նարեկ Նալբանդյանի ընկերությունը տարածամկետ վճարման պայմանով էր ձեռք բերել հյուրանոցը: Հյուրանոցի գնման երկրորդ վճարումը, որ պիտի կատարվեր այս տարվա հունիսի 1-ին, չի արվել: Ըստ ժամանակացույցի՝ գնորդը մինչեւ 2023 թ.-ի հուլիսի 1-ը պետությանը պետք է վճարեր 1 միլիարդ դրամ: Այսինքն՝ անգամ «փակովի» տարբերակով ձեռք բերված պետական գույքի համար ամբողջական վճարումներն արված չեն, բայց Նիկոլ Փաշինյանը համար լռում է:

Ու թեւէ Նարեկ Նալբանդյանը դեռ պարտք է պետությանը, այնուամենայնիվ, հայտնի դարձավ, որ գերջեղ ու գերթանկարծեք հյուրանոցը այս օրերին նախապատրաստվում է վերաբացման: Մինչ այդ գրեթե մեկ տարի, եթե ոչ ավելի, այն վերանորոգման մեջ էր:

«Ժողովուրդ» օրաթերթի տեղեկությունների համաձայն՝ գործարար Նարեկ Նալբանդյանի պատկանող Ծաղկաձորի «Գոլդեն Փելիս» հյուրանոցի բացման պաշտոնական արարողությունը տեղի կունենա դեկտեմբերի 23-ին: «Ժողովուրդ» օրաթերթը կապ հաստատեց գործարար Նարեկ Նալբանդյանի հետ, որը մեզ հետ զրույցում նշեց, որ բացման օրվա հյուրերի մասին դեռ հստակ ցանկ չկա, այն կլինի առաջիկայում, բայց Ամանորի համար արդեն նախապատրաստական աշխատանքներ են տարվում:

«Կազմակերպչական աշխատանքները դեռ ընթացքում են, ավարտված չեն, մեծ թիւ է աշխատում: Մեր հյուրանոցի գլխավոր տնօրէնը Մահմուդ Սահադն է, ում դրսից ենք բերել: Անձամբ ես չեմ զբաղվում հյուրերի ցանկով եւ կազմակերպչական աշխատանքներով»:

Նարեկ Նալբանդյանը մեզ հայտնեց նաեւ, որ Ծաղկաձորի «Գոլդեն Փելիս» հյուրանոցում ամանորյա միջոցառում է անցկացվելու, որին մասնակցելու են հայ հայտնի երգիչներ եւ երգչուհիներ:

«Միջոցառմանը, որ նախատեսվում է կազմակերպել Ամանորին, երգելու են Իվետա Մուկուչյանը, Սարո Թովմասյանը, «Հայաթ Փրոջեքթ»-ը, կարճ ասած՝ մեծ միջոցառում ենք նախատեսում», - հայտնել է Նալբանդյանը:

Հավելենք նաեւ, որ «Ժողովուրդ» օրաթերթը նախկինում գրել էր, որ «Գոլդեն Փելիս»-ում մեծ վերանորոգման աշխատանքներ էին իրականացնում, նույնիսկ գույքը հանվել էր վաճառքի բավականին մատչելի գնով:

Հիշեցնենք նաեւ, որ դեռ օգոստոսի 24-ին հենց այս հյուրանոցում անցկացվեց ԵԱՏՄ արտահերթ նիստը, որին մասնակցել էին Հայաստանի, Ռուսաստանի, Բելառուսի, Ղազախստանի եւ Ղրղզստանի վարչապետները:

Իսկ ինչ վերաբերում է պարտքերի տակ գտնվող Նարեկ Նալբանդյանին, ապա նա սոր ծնվող օլիգարխ է, որը թեւէ պետությանն ահռելի պարտքեր ունի, չգիտես՝ ինչպես, վերջին տարիներին կառուցել է 12 գործարան:

ՄԵԿՆԱԲԱՆՈՒԹՅՈՒՆՆԵՐ

ԱԺ ՆԱԽԱԳԱՐՆ ԱՆՀԱՆԳԻՄՑ ԷՐ

ԱԺ նախագահ Ալեն Միմոնյանը գիշերը սոցիալական ցանցի իր էջում գրառում է կատարել. «Լրատվամիջոցների մեկնաբանություններն են կարողում իմ այսօրվա ճեղագրույցի այն հասվածի սակ, ուր ասել են, որ գալու է ժամանակ, որ հայերը եւ ադրբեջանցիները ապրեն իրար կողքի: Պարզ է, որ մի նոր բան չի ասվել, եւ բացահայտում չկա նրա մեջ, որ երկու հարեան դեռ չեն զոյստեման լավագույն արբերակը խաղաղ ապրելն է եւ առեւտր անելը: Երկարատեւ արյունալի դաժնեգործներից հետո խաղաղ ապրելու օրինակները աս են, իսկ այլընտրանք ուղղակի չկա:



րել ադրբեջանցիների հետ կողք կողքի եւ անընդունելի է համարում իմ ասածը:

Հետաքրքիր մի տեսակ էլ կա, որ այժմ է ընկնում հայիոյանքների շքեղությամբ, եւ վստահ կարող եմ ասել, թե որքան շքեղ են հայիոյանքները, այնքան հեռու են ապրում նրանք Հայաստանից, եւ այդքան արագ էլ անհետանում են, երբ փորձում են կապ հաստատել եւ հասկանալ, թե ինչն է այդքան գայրացրել Ստալինի արտաքին քաղաքականությանը: Մի փոքր մաս էլ բնակվում է ԱՄՆ-ում եւ, բնական է, նույնպես չի ուզում ապրել ադրբեջանցիների հետ կողք կողքի եւ անընդունելի է համարում իմ ասածը:

Բայց չկարծեք, թե բողոքում եմ կամ նեղարտում. պարզ է, որ հանրային մարդը, քաղաքական գործիչը կարող է եւ պետք է քննադատվի, այն էլ՝ մեր ժամանակներում, երբ նույնիսկ իրենց թոռների եւ մագերի սանրվածքների շքեղությամբ փայլող կանայք չեն խորշում վերջին հայիոյանքները տալ եւ լսել:

Հակառակը, թող սովորեն, լսեն, ֆիքսեն, որ ամեն բան անելու եմ, որ խաղաղություն լինի, որ իրենք էլ հանգիստ, չկախենալով ոչինչից, վերցնեն իրենց ընտանիքներին եւ վերջապես վերադառնան՝ Հայաստանում ապրելու»:

ԽՈՍԵՑ

ՄԱՄՎԵԼ ԲԱԲԱՅԱՆՆԵՆ ՈՒ 44-ՕՐՅԱ ՊԱՏԵՐԱԶՄԸ

ՔԱՂԱՔԱԿԱՆ ՏԱՐԲ ԿԱՐ



«Մենք վերցրել ենք «Ռոսսելխոզ-Նադգորի» հրապարակած նյութերը և ուսումնասիրում ենք դրանք, որպեսզի հասկանանք, թե ինչքանով են մեր տնտեսվարողների արտադրած ապրանքները անհամապատասխան այն կարգավորումներին, որոնք Ռուսաստանի Դաշնությունը կիրառում է»,- նույնքերի 29-ին Ազգային ժողովում լրագրողների հետ զրույցում ասաց էկոնոմիկայի նախարար Վահան Զերոբյանը:

Հարցին՝ տեսնում է արդյոք քաղաքական տարրեր այս գործընթացներում, նախարարն ասաց. «Ես այդպես չեմ ասի. մեզ համար ուղղակի տարօրինակ է, որ մեկ ամբողջ տարվա մեջ 35 մեքենա է վերադարձվում, եւ հետո՝ երկու օրվա մեջ, եւս 35 մեքենա: Դա՛ այն դեպքում, երբ մատակարարները իրենք ապրանքների որակի մեջ որեւէ փոփոխություն չեն արել»:

Զերոբյանի խոսքով՝ Հայաստանը ԵԱՏՄ շրջանակներում գործողություններ է սկսել խնդիրները լուծելու համար: «Հրավիրվել ենք հրատապ խորհրդակցություն, որը տեղի կունենա առաջիկա 2 օրերի ընթացքում»,- ասաց Զերոբյանը:

Լրագրողի հարցին՝ ռուսական շուկային որպես այլընտրանք ստեղծվել է արդյոք մեկ այլ արտահանման շուկա, Զերոբյանն ասաց. «Ի՛նչ է նշանակում արտահանման այլընտրանք ստեղծել, այսինքն՝ այդ ապրանքը այսօր հնարավոր չէ՛ արտահանել Իրաք, ԱՄԷ եւ այլն: Ցանկացած արտահանող ինքը պետք է բանակցի իր գնորդների հետ եւ իր ապրանքը վաճառի տարբեր շուկաներում: Կառավարությունը օգնում է, որ տասնյակ արտահանողներ գնան Չինաստան ցուցահանդեսի, այնտեղ ձեռք բերեն նոր գործընկերներ եւ այլն»:

Հիշեցնենք, որ Լարսում 100-ավոր բեռնատարներ չեն կարողանում անցնել Ռուսաստանի սահմանը: Պտուղ-բանջարեղենով, ծաղիկներով, ձկնով եւ այլ սննդամթերքով բեռնված ավտոմեքենաները անցակետում գտնվող ֆիտոսանիտարական կետում խիստ վերահսկողություն են անցնում: Ռուսաստանում Հայաստանի դեսպանությանը կից մաքսային կցորդը հայտնել էր, որ խնդիրը միայն հայկական բեռնատարների հետ կապված չէ. խիստ հսկողություն է Ռուսաստան մտնող բոլոր մաքսակետերում:

Լեռնային Ղարաբաղի դաժնամոլության բանակի նախկին հրամանատար, անվտանգության խորհրդի նախկին ֆարսուղար Մամվել Բաբայանը ներկայացրել է իր մասնակցությամբ սեղի ունեցած՝ 44-օրյա դաժնարկի հանգամանքներն ուսումնասիրող ԱԺ ֆննիչ հանձնաժողովի նիստի ֆննարկման արդյունքները:

«Ես ամբողջովին ներկայացրել եմ իրավիճակը եւ 44-օրյա պատերազմի ժամանակ, եւ հիմա: Ես անուններով չեմ խոսել, ես դրվագներով, փաստերով հուշել եմ, թե ինչ ուղղությամբ կարող է լինել քննությունը: Ես եկել եմ որպես քաղաքացի, ներկայացրել եմ այն, ինչից տեղյակ եմ եղել: Հանձնաժողովը կհասնի իր նպատակին, թե ոչ, ես չեմ կարող ասել»,- «Ժողովուրդ» օրաթերթի հաղորդմամբ՝ լրագրողների հետ ճեպագրույցում ասաց Բաբայանը:

Հարցին, թե արդյոք 44-օրյա պատերազմում կրած պարտությունում տեսնում է վարչապետ Նիկոլ Փաշինյանի մեղավորությունը, Բաբայանը պատասխանեց, որ վարչապետ Նիկոլ Փաշինյանի մեղավորությունը ոչ ճիշտ կարգային քաղաքականությունն էր եւ այն, որ նա հավատացել էր իր նշանակած կադրերի գեկույցներին:

Նիստից առաջ լրագրողների հետ ճեպագրույցում Բաբայանն ասաց, որ պատրաստ է պատասխանել պատգամավորների բոլոր հարցերին:

«Հրավիրել են, եւ ես համաձայնել եմ ներկա գտնվել եւ հարցերին պատասխանել: Ինչի՞ պետք է խուսափեմ, եթե ես պատրաստ եմ բոլոր հարցերին պատասխանել: Այն հարցերին, որոնք ինձ կուղղեն, ես կպատասխանեմ անկեղծ»,- ասաց Բաբայանը:

Իսկ արդեն նիստից հետո հայտարարեց, թե Արցախում տեղի ունեցած իրադարձությունների հարցով ընթանում է քննություն, եւ առաջինը ինքն է հարցաքննության հրավիրվել Քննչական կոմիտե: Այն, ինչ խոսել են Հանրային հեռուստատեսությամբ, ավելի ծավալուն ներկայացվել է իրենց:



Նա հստակեցրեց, որ խոսքը վերաբերում է իր ներկայացրած հաղորդմանը, զենք-զինամթերքը Ադրբեջանին հանձնելուն, իր կողմից Բաքվի հետ բանակցություններին, Սահմանադրության տապալմանը:

Հարցին, ինքն էլ է կարծում արդյոք, որ Արցախի պետական ինստիտուտները չպետք է գործեն Հայաստանում, Մամվել Բաբայանն ասաց. «Ես առաջին օրը հենց վարչապետին առաջարկել եմ հատուկ ծրագրերի վարչություն ստեղծել, որը գործել է 1990-ականներին Մոսկովյան փողոցի վրա, եւ այդ միջոցով, ինչպես Ռուք եք ձեւակերպում, Ղարաբաղի ժողովրդին տեր կանգնել բոլոր հարցերով: Նիկոլ Փաշինյանը մերժել է, չի ասել՝ ինչու է մեր-

ժել: Երեւի մի օր կհանդիպեմ, կխոսեմ: Ես գրավոր եմ ուղարկել առաջարկը, Նիկոլ Փաշինյանին երկու տարուց ավելի է՝ ոչ տեսել եմ, ոչ խաբար եմ, ոչ գիտեմ»:

44-օրյա պատերազմի հանգամանքներն ուսումնասիրող ԱԺ քննիչ հանձնաժողովն առաջին նիստը գումարել է 2022 թվականի փետրվարին: Այդ օրվանից մինչ այս պահը բազմաթիվ պաշտոնյաներ ու զինվորականներ են հարցաքննվել: Նիստին մասնակցել է նաեւ վարչապետ Նիկոլ Փաշինյանը, որի մասնակցությամբ նիստը, ի տարբերություն նախորդների, բաց էր: Հանձնաժողովի նախորդ նիստին մասնակցել է նաեւ Լեռնային Ղարաբաղի նախագահ Մամվել Շահբանյանը:

ՕՐՎԱ ԽՃԱՆԿԱՐ

ՓԱՇԻՆՅԱՆԻՆ ՄՊԱՍՈՒՄ ԵՆ

ՌԴ նախագահ Վլադիմիր Պուտինի ծրագրերի մեջ ՀՀ վարչապետ Նիկոլ Փաշինյանի հետ հեռախոսազրույց դեռեւս ներառված չէ: Այս մասին հայտարարել է ՌԴ նախագահի մամուլի խոսնակ Ղևինյանը:

«Փաշինյանին սպասում են դեկտեմբերի վերջին Ռուսաստանում կայանալիք ԱՊՀ-ի ոչ պաշտոնական գագաթնաժողովին. սա հիմնալի հնարավորություն կլինի խոսելու համար»,- ասել է նա:

ԶԻՆՎՈՐՆԵՐԻ ԱԶԱՏՄԱՆ ՊԱՅՄԱՆ

Պաղեստինյան «ՀԱՄԱՍ» արմատական շարժումը գերեզմանավորված խորհրդից զինվորների ազատման համար պայման է առաջադրել Գազայի հատվածում մշտական հրադադարը. այս մասին հայտնում է «ՏԱՍՍ» գործակալությունը:

Նշվում է, որ եգիպտական «Ալ Կահիրա ալ Իխբարիա» հեռուստաալիքի տեղե-

կատվության համաձայն՝ պաղեստինցի արմատականները հաստատել են, որ «խորհրդից զինվորականների ազատ արձակման պայմաններն այլ են լինելու»: Մասնավորապես, այս հարցի շուրջ բանակցությունները ներառում են «ռազմական գործողությունների ավարտի» եւ Գազայի հատվածի «շրջափակման վերացման» քննարկում:

Իսրայելի եւ պաղեստինյան «ՀԱՄԱՍ» արմատական շարժման միջեւ քառօրյա հրադադար էր հաստատվել նոյեմբերի 24-ին: Հրադադարի ավարտից հետո դրա գործողության ժամկետը եւս երկու օրով երկարաձգվել էր: Այս օրերի ընթացքում «ՀԱՄԱՍ»-ն ազատ է արձակել իր մոտ պահվող 240 պատանդներից ավելի քան 80-ին, դրա դիմաց Իսրայելն ազատել է պաղեստինցի 180 բանտարկյալի:

ՀԱՆԴԻՊՈՒՄ ՄԱՀՄԱՆԻՆ

Հայաստանի եւ Ադրբեջանի սահմանագատման հանձնաժողովների՝ նոյեմբերի 30-ին նախատեսված հանդիպումը կկայանա հայ-ադրբեջանական սահմանագծի իջեանի ու Ղազախի հատվածում:

Այս մասին հայտնում են ՀՀ փոխվարչապետ, Հայաստանի եւ Ադրբեջանի միջեւ սահմանագատման եւ սահմանային անվտանգության հանձնաժողովի նախագահ Միեր Գրիգորյանի գրասենյակից:

Ավելի վաղ Հայաստանն Ադրբեջանին առաջարկել էր սահմանագատման հանձնաժողովների հանդիպում անցկացնել հայ-ադրբեջանական սահմանին: Այնուհետեւ հայտնի դարձավ, որ հանդիպման մասին կողմերը պայմանավորվածություն են ձեռք բերել. այն կկայանա նոյեմբերի 30-ին:

ԿՄԱՄՆԱԿՑԻ ՆԻՍՏԻՆ

Արտաքին գործերի նախարար Արարատ Միրզոյանն աշխատանքային այցով գտնվում է Հյուսիսային Մակեդոնիայի մայրաքաղաք Սկոպյեում, որտեղ կմասնակցի ԵԱՀԿ ԱԳ նախարարների խորհրդի 30-րդ նիստին. «X»-ի իր միկրոբլոգում հայտնում է ՀՀ ԱԳՆ մամուլի խոսնակ Անի Բադալյանը:

«Այցի ընթացքում նախատեսված են նաեւ երկկողմ հանդիպումներ»,- գրել է նա:

ԿՐԵՐԵՆ

ՔՊ-ԱԿԱՆ ՊԱՏՎԱՄԱՎՈՐԻ ԹՈՌՆ ՈՒ ԴԱՆԱԿԱՆԱՐՈՒԹՅՈՒՆԸ

«Ժողովուրդ» օրաթերթին հասած բացառիկ տեղեկությունների համաձայն Ազգային ժողովի ՔՊ-ական դասգամավոր Գագիկ Մելքոնյանի թոռան մասնակցությամբ միջադեպի գործով ներքին դաշնամատչվածություն կա:

«Ժողովուրդ» օրաթերթի տեղեկություններով ՔՊ-ական պատգամավորի ընտանիքը իրավապահների հետ կապի է դուրս եկել, խոստացել են թոռանը բերել հարցաքննության, որ լսեն, թե նա ինչ կատարի միջադեպի մասին: Իսկ ի՞նչ է կատարվում ՔՊ-ական պատգամավոր Գագիկ Մելքոնյանի թոռան շուրջ:

Երեք օր առաջ համացանցում տեղեկություններ տարածվեցին, որ Երեւանի իրավատնտեսագիտական եւ կառավարման քոլեջում դասակահարություն է տեղի ունեցել պատգամավոր Գագիկ Մելքոնյանի թոռան մասնակցությամբ: Մելքոնյանի թոռը, ըստ այդ աղբյուրի, դասակահարել է նույն համալսարանի մեկ այլ սանի:

«Ժողովուրդ» օրաթերթին հասած բացառիկ տեղեկություններով՝ միջադեպի ականատեսներ կան, որոնք կցկտուր տեղեկություններ են հայտնել իրավապահներին, որ Գագիկ Կարենի Մելքոնյանն է վնասվածքը հասցրել այդ տղային:


«Ժողովուրդ» օրաթերթին հայտնի դարձավ, որ հարցաքննության ժամանակ տուժած ուսանողն իրավապահներին հայտնել է, թե ծառից է ընկել: Դեպքի վայր ժամանած ոստիկանները պարզել են, որ վնասվածքը պատճառել է ուսանող Գագիկ Կարենի Մելքոնյանը՝ պատգամավոր Գագիկ Մելքոնյանի թոռը: Նկատել է, որ ՔՊ-ական պատգամավոր Գագիկ Մելքոնյանի որդիները հեղափոխությունից հետո իրենց դիրքերն են ամրապնդում իրավապահ հավարտներով: Արմեն Մելքոնյանը այս տարվա ապրիլի 1-ին նշանակվել է «Երեւան-Կենտրոն» քրեակատարողական հիմնարկի պետ: Դասակահարության միջադեպի գործով անցնող Գագիկ Կարեն Մելքոնյանի հայրը՝ Կարեն Մելքոնյանը, Արմավիրի մարզի ընդհանուր իրավասության դատարանի աշխատակազմի ղեկավարն է: Ինչեւէ, հետեւե՞նք զարգացումներին, տեսնենք, թե ինչ է սպասվում միջադեպով արդյոք նախաքննական մարմինը միջեւ վերջ կգնա եւ կբացահայտի եղելությունը, թե այս դեպքն էլ ՔՊ-ական մյուս պաշտոնյաների հարազատների դեպքերի



ման կփակվի: Նշենք, որ «Ժողովուրդ» օրաթերթին 33 քննական կոմիտեից հայտնել էին, որ նշված ուսումնական հաստատությունում անչափահասին վնասվածք հասցնելու դեպքի վերաբերյալ ոստիկանությունից նոյեմբերի 27-ի երեկոյան ստացվել է հաղորդում: Այդ առթիվ նախաձեռնվել է քրեական վարույթ՝ 33 քրեական օրենսգրքի 171-րդ հոդվածի 2-րդ մասի 4-րդ կետի հատկանիշներով: Վնասվածք ստացած անչափահասը ճանաչվել է տուժող, նշանակվել է դատաբժշկական փորձաքննություն: Հանգամանքները պարզելու ուղղությամբ կատարվում է քննություն:

ՎԻՃԱԲԱՆՈՒԹՅՈՒՆ

ՂԵԿԱՎԱՐԸ՝ ԿԻՋԱԿԵՏՈՒՄ



«Ժողովուրդ» օրաթերթին հայտնի դարձավ, որ 2023 թվականի մայիսի 14-ին Արմավիրի մարզի Հայթաղ համայնքում ավտոմեքենան արագ վարելու հարցի շուրջ Արսեն Սուրենի Գասպարյանը վիճաբանել է նույն համայնքի բնակիչ Պարգե Գասպարյանի հետ, ինչից հետո՝ հաջորդ օրը՝ 2023 թվականի մայիսի 15-ին, հիշյալ տարածաշրջանում հարթելու նպատակով Հայթաղ համայնքի ղեկավար Բաբկեն Հրայրի Կարապետյանը վերջիններիս հրավիրել է համայնքապետարան, որտեղ, ընդհանուր գրույցի ընթացքում միայն չհանդուրժելով, վերստին վիճաբանություն է տեղի ունեցել Արսեն եւ Պարգե Գասպարյանների միջեւ, ինչը պարզաբանելու համար նույն օրը հանդիպել են հիշյալ համայնքում գտնվող «դռեր» կոչվող տարածքում:

Նշված վայրում Պարգե Գասպարյանը քարով հարվածել է Սուրեն Գասպարյանի գլխին, ինչից հետո վերջինս իր երկու որդիների՝ Արսեն եւ Գեղամ Գասպարյանների հետ միասին հարձակվել է Պարգե Գասպարյանի վրա, որի ժամանակ Սուրեն Գասպարյանը Գեղամ Գասպարյանի հետ խմբի կազմում ձեռքերով եւ ոտքերով հարվածներ է հասցրել վերջինիս մարմնի տարբեր մասերին՝ Պարգե Գասպարյանի նկատմամբ կատարելով ֆիզիկական ներգործություն, իսկ Արսեն Գասպարյանը, ձեռքերով բռնելով գետնին ընկած Պարգե Գասպարյանի ոտքից, Պարգե Գասպարյանի առողջությանը ծանր վնաս պատճառելու դիտավորյալով նոքերով հարվածներ է հասցրել վերջինիս սեռական օրգաններին՝ Պարգե Գասպարյանի առողջությանը պատճառելով հետին միզուկի 2-3-րդ աստիճանի վնասվածք՝ պատի ամբողջականության խախտման ձեռով կյանքին վտանգ սպառնացող ծանր վնաս:

- 1. Արսեն Սուրենի Գասպարյանը մեղադրվում է 33 քրեական օրենսգրքի 166-րդ հոդվածի 1-ին մասի 1-ին կետերով:
2. Պարգե Երջանիկի Գասպարյանը մեղադրվում է 33 քրեական օրենսգրքի 171-րդ հոդվածի 1-ին մասի 1-ին կետով:
3. Գեղամ Սուրենի Գասպարյանը մեղադրվում է 33 քրեական օրենսգրքի 195-րդ հոդվածի 2-րդ մասի 5-րդ կետով:
4. Սուրեն Վանիկի Գասպարյանը մեղադրվում է 33 քրեական օրենսգրքի 195-րդ հոդվածի 2-րդ մասի 5-րդ կետով:

Ք. ՄԱՆՈՒԿՅԱՆ

ՄԵՂԱԴՐԱՆՔ

ԴԱՏՎՈՒՄ ԵՆ. ԶՈՐԱՄԱՍԸ ԼՔԵԼ ԵՆ

«Ժողովուրդ» օրաթերթին հայտնի դարձավ, որ Ռոման Գալսյանին մեղադրանք է առաջադրվել այն բանի համար, որ նա, ՀՀ-ում հայտարարված ռազմական դրության դաշնամատչված նեոնացիական լինելով գնդապետի դասում, կոչումով Երվանդի, ընդգրկված լինելով մարտական գործողություններին, 2020 թվականի հոկտեմբերի 6-ին ինքնակամ թողել է ծառայության վայրը եւ ՀՀ ՊՆ թիվ գործառնաում հանձնելով իրեն ամրակցված զենք-զինամթերք՝ մեկնել է իր բնակության վայր, որից հետո՝ 2020թ.-ի նոյեմբերի 20-ին, վերադարձել է ՀՀ ՊՆ թիվ գործառնա ու ներգրավվել մարտական հերթադասության՝ այդպիսով զինվորական ծառայությունից ժամանակավորապես խուսափելով 240 ժամից ավելի տևողությամբ:



Են գործառնա ծառայությունից բացակայելով 3385 ժամ 40 րոպե տևողությամբ: Խաջիկ Հովհաննիսյանին մեղադրանք է առաջադրվել այն բանի համար, որ նա, ՀՀ-ում հայտարարված ռազմական դրության ժամանակ ընդհանուր զորահավաքի միջոցով զորակոչված եւ որպես պահեստազորային հաշվառված լինելով ՀՀ ՊՆ համապատասխան գործառնաում, մարտական խնդիր կատարելու համար մեկնել է առաջնագիծ, որից հետո՝ 2020թ.-ի հոկտեմբերի 6-ին, զինվորական ծառայությունից վերջնականապես խուսափելու նպատակով ինքնակամ թողել է ծառայության վայրը՝ կատարելով դասավորություն: Վրեժ Հովսեփյանին մեղադրանք է առաջադրվել այն բանի համար, որ նա, ՀՀ-ում հայտարարված ռազմական դրության ժամանակ ընդհանուր զորահավաքի միջոցով զորակոչված եւ որպես պահեստազորային հաշվառված լինելով ՀՀ ՊՆ համապատասխան գործառնաում, մարտական խնդիր կատարելու համար մեկնել է առաջնագիծ, որից հետո՝ 2020թ.-ի հոկտեմբերի 6-ին, զինվորական ծառայությունից վերջնականապես խուսափելու նպատակով ինքնակամ թողել է ծառայության վայրը՝ կատարելով դասավորություն:

Նյութերը՝ ՔՆԱՐ ՄԱՆՈՒԿՅԱՆԻ

● Ըստ ոստիկանության տվյալների՝ նոյեմբերի 28-ից 29-ը Հայաստանի Հանրապետությունում բացահայտվել է հանցագործության 71 դեպք, որոնցից 5-ը՝ նախկինում կատարված:



ՍՈՑԻԱԼԱԿԱՆ

ՀԱՐՑ. Խնդրում եմ ասել՝ ինչ է հաճախողամուքյուն ունեցող անձի վերականգնողական անհատական ծրագիրը:
Տիրուհի Մնացականյան (39 տարեկան)



ՊԱՏԱՍԽԱՆ. Կ. Մնացականյանի հարցին ի պատասխան՝ տեղեկացնում ենք, որ վերականգնողական անհատական ծրագիրը՝ սահմանված որոշակի վավերապայմաններով և ձեռով, լրացման համար անհրաժեշտ դաշտեր պարունակող փաստաթուղթ է, որի համաձայն իրականացվում է հաշմանդամություն ունեցող անձի բժշկական, մասնագիտական և սոցիալական վերականգնումը:

Վերականգնողական անհատական ծրագիրը (ՎԱԾ) կազմվում է բժշկասոցիալական փորձաքննական հանձնաժողովի կողմից հաշմանդամություն ունեցող անձ ճանաչելու դեպքում: Վերականգնողական անհատական ծրագրում սահմանվում են վերականգնողական միջոցառումների ծավալները, տեսակները և ժամկետները, աջակցող միջոցների և այլ ծառայությունների տեսակները:

ՎԱԾ-ն ունի երաշխավորական բնույթ: Հաշմանդամություն ունեցող անձն իրավունք ունի հրաժարվելու վերականգնողական անհատական ծրագրով նախատեսված վերականգնողական միջոցառման տեսակից, ձեռից և ծավալից, ինչպես նաև ամբողջ ծրագրի իրականացումից:

ՀՀ աշխատանքի և սոցիալական հարցերի նախարարություն

«ԺՈՂՎՈՒՐԳ». Նշենք, որ հաշմանդամություն և սոցիալական այլ կարգավիճակ ունեցող անձանց տրամադրվում են աջակցող միջոցներ, որոնք են՝ պրոթեզներ (վերին և ստորին վերջույթի), կրծքագեղձի էկզոպրոթեզ, ակնազնդի պրոթեզ, ձայնաստեղծ սարքեր/պրոթեզներ, օրթեզներ, անվասայլակներ, գուլպաներ (անդամահատված ծայրատի համար), լսողական սարքեր, լսողական սարքերի անհատական ներդիրներ, աղեկապեր, սեղմիրաններ, հեռակներ, ձեռնափայտեր, քայլակներ, ծնկակալեր, ռեկլինատորներ, կոշիկներ (օրթոպեդիկ, պրոթեզի, օրթեզի):

ԲԱՆԿԱՅԻՆ

ՀԱՐՑ. Բանկումացի փորձել եմ կանխիկացնել առօրյա փողեր, սակայն դարձել եմ, որ ֆարսի ժամկետը արդեն մեկ ամիս է, ինչ լրացել է: Գրա հետևանքով չեմ կարողացել ժամանակին կանխիկացնել գումարը: Ուզում եմ տեղեկանալ՝ արդյոք բանկը դարձավոր չի ինձ տեղեկացնել ֆարսի ժամկետը լրանալու մասին:
Լարիսա Հունանյան (52 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ բանկն օրենքով պարտավորություն չի կրում տեղեկացնելու վճարային քարտի ժամկետի լրանալու մասին, քանի որ վավերականության ժամկետը նշված է քարտի վրա:
Ֆինանսական համակարգի հաշտարար

«ԺՈՂՎՈՒՐԳ». Նշենք, որ հաճախորդն իրավունք ունի իր հաշվում առկա դրամական միջոցները տնօրինել իր հայեցողությամբ՝ բանկին հաշվից դրամական միջոցներ դուրս գրելու կարգադրություն տալով: Սակայն պայմանագրով նախատեսված դեպքերում բանկն իրավունք ունի հաճախորդի հաշվից անակցեպտ (անառարկելի) կարգով գումարներ գանձել՝ ուղղելով այն հաճախորդի՝ բանկի նկատմամբ ունեցած պարտավորություններին:

ԼՈՒՐ ԿԱԴՐ

Լուսանկարը՝ համացանցից



Ուկրաինայի ՆԳՆ ղեկավարը տեղեկացրել է, որ վատ եղանակի պատճառով զոհվել է 12 մարդ, տուժել է 23 մարդ, նրանց թվում 2 երեխա:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուկ» ՓԲԸ
հեռ. 45-82-00, 45-19-11

«Հայփոստ» ՊԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ե/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-3 - 7 +2 + 6	Արարատ	-2 + 1 +8 + 10
Կոտայքի լեռներ	-2 - 5 +2 + 5	Արմավիր	0 - 3 +8 + 10
Կոտայքի նախալեռներ	-2 - 5 +4 + 8	Վայոց ձորի լեռներ	0 - 5 +1 + 5
Գեղարքունիք	-2 - 6 +1 + 6	Վայոց ձորի նախալեռներ	-2 + 7 0 + 4
Լոռի	-1 + 4 +10 + 14	Սյունիքի հովիտներ	+4 + 8 +16 + 19
Տավուշ	+1 + 6 +13 + 16	Սյունիքի նախալեռներ	-2 + 3 +11 + 15
Արագածոտնի լեռներ	-4 - 6 +1 + 5	ԼՂՀ	+1 + 6 +9 + 12
Արագածոտնի նախալեռներ	-2 - 7 +5 + 8	Երեւան	+6 + 8 +11 + 13

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 29.11.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: